



## REGLUGERÐ UM ÍSLANDSMÓT Í GOLFI Í UNGLINGAFLOKKUM

### 1. kafli

#### 1. gr.

GSÍ gengst árlega fyrir Íslandsmóti í unglingsflokkum í golfi.

#### 2. gr.

Stjórn GSÍ skal auglýsa mótið og hafa yfirumsjón með framkvæmd þess. Hún skal skipa menn í mótsstjórn í samráði við klúbbinn þar sem mótið fer fram a.m.k. einum mánuði fyrir mótið. Stjórn GSÍ skal skipa a.m.k. einn dómara á hvern keppnisvöll. Viðkomandi klúbbur skal leggja dómurum og mótsstjórn til golfbíla, talstöðvar eða önnur fjarskiptatæki og sjá um kostnað vegna mótsstjórnar og dómara. Skipaður dómari í flokkum 15 ára og eldri skal hafa landsdómaramaréttindi. Framkvæmd mótsins skal vera í samræmi við lágmarkskröfur í viðauka I.

#### 3. gr.

Stjórn GSÍ ákveður þátttökugjöld sem renna til klúbbsins þar sem mótið fer fram.

GSÍ á allan rétt gagnvart ljósvakamiðlun frá mótinu. Sá klúbbur sem heldur mótið á hverjum tíma skal útvega fjölmiðlum viðeigandi aðstöðu í klúbbhúsi. Stjórn GSÍ hefur rétt til að kynna samstarfsaðila sína á þeim golfvöllum sem Íslandsmótið fer fram, í formi skilta, með fánum eða öðrum þeim hætti sem stjórn GSÍ ákveður. Þá skal merki GSÍ ávallt koma fram á öllu því efni sem útgefið er í sambandi við mótið og jafnframt vörumerki þeirra aðila sem eru samstarfsaðilar GSÍ að mótinu.

#### 4. gr.

Þátttakendur skulu tilkynna um þátttöku a.m.k. 10 dögum fyrir fyrsta mótisdag (t.d. í síðasta lagi kl. 23:59 á þriðjudegi í vikunni fyrir mót ef mótið hefst á föstudegi). Mótsstjórn getur þó heimilað þátttöku berist tilkynning síðar, enda hafi hámarksfjöldi þátttakenda ekki verið náð.

#### 5. gr.

Almennir keppnisskilmálar og almennar staðarreglur, sem stjórn GSÍ setur, skulu gilda í mótinu. Mótsstjórn getur þó auglýst viðbætur og frávik ef þörf krefur. Jafnframt skal hún hafa eftirlit með merkingum vallar og holustaðsetningum og getur ákveðið breytingar. Þá getur mótsstjórn ákveðið að fresta eða fella niður umferð eða umferðum vegna veðurs. Staðarreglur og keppnisskilmálar skulu vera fyrir hendi þegar á fyrsta æfingadegi.

Öll notkun tóbaks, þ.m.t. munntóbaks, er bönnuð í klúbbhúsum og á keppnisvelli.



## 6. gr.

Þátttökugjöld skulu greidd við skráningu. Þátttökugjald fæst einungis endurgreitt séu forföll boðuð eigi síðar en kl. 18:00, þremur dögum fyrir fyrsta keppnisdag.

## 2.kafli

### 7. gr.

Keppt skal í eftirtöldum flokkum. Aldur miðast við almanaksár.

Stúlknaflokkur	14 ára og yngri
Stúlknaflokkur	15-16 ára
Stúlknaflokkur	17-18 ára
Stúlknaflokkur	19-21 árs

Piltaflokkur	14 ára og yngri
Piltaflokkur	15-16 ára
Piltaflokkur	17-18 ára
Piltaflokkur	19-21 árs

Allir flokkar leika 54 holur.

Þátttökurétt öðlast erlendir kylfingar ekki fyrr en eftir a.m.k. þriggja ára samfellda búsetu hérlandis. Mótsstjórn er heimilt að takmarka rétt til þátttöku við forgjöf og skal þá miðað við forgjöf leikmanna kl. 8:00 morguninn eftir að skráningarfresti lýkur. Einnig er mótsstjórn heimilt að sameina flokka ef skráðir leikmenn í flokki eru færri en fjórir.

Mótsstjórn er heimilt að hafa niðurskurð í einum eða fleiri flokkum að loknum 36 holum. Reglur um niðurskurðinn skulu þá koma fram í keppnisskilmálum.

Hámarksfjöldi leikmanna er 144, þ.e. 18 í hverjum flokki. Ef ekki er full skráning í einhverjum flokkum skal fjölgað í öðrum flokkum í hlutfalli við hversu mikil umframskráning er í þeim flokkum. Að slíkum tilfærslum loknum skal hámarksfjöldi leikmanna í hverjum flokki aukinn þannig að hann verði heilt margfeldi af þremur, jafnvel þótt það leiði til þess að heildarfjöldi keppenda verði meiri en 144.

Ef fjöldi skráðra leikmanna í flokki fer yfir endanlegan hámarksfjölda í flokknum ræður forgjöf því hverjir fá þátttökurétt og skal þá miðað við forgjöf leikmanna kl. 8:00 morguninn eftir að skráningarfresti lýkur. Standi val á milli leikmanna með sömu forgjöf skal hlutkesti ráða.

Óheimilt er að hafa fleiri en þrjá keppendur í hverjum ráshóp.



8. gr.

Skylt er að keppnisvellir sé opnir til æfinga fyrir skráða keppendur í minnst 2 daga fyrir mót. Heimilt er mótisstjórn að takmarka æfingu við eina umferð og skipuleggja rástíma ef með þarf.

9. gr.

Ef jafnt er að loknum 54 holum skal leika þriggja holu umspil og síðan bráðabana ef þörf er um 1. sæti.

10. gr.

Mótisstjórn ákveður rástíma og leikröð keppenda og skal hún kynnt ekki síðar en á fyrsta æfingadegi.

11. gr.

Sigurvegarar hljóta titlana Íslandsmeistari viðkomandi flokks.

12. gr.

Að öðru leyti gilda móta- og keppendareglur GSÍ.

*Þannig samþykkt af stjórn GSÍ 12. apríl 2021.*



## VIÐAUKI I

### Kröfur um framkvæmd og umgjörð

Eftirfarandi lágmarkskröfur eru gerðar til mótsstjórnar um framkvæmd og umgjörð mótsins.

#### 1. Fánar

Á mótsstað skal flagga a.m.k. íslenska fánanum, fána klúbbsins þar sem mótið fer fram og fána GSI.

#### 2. Ræsing

Fulltrúi mótsstjórnar skal sjá um ræsingu allra ráshópa.

#### 3. Skil skorkorta

Afmarka skal sérstakt skilasvæði skorkorta (helst lokað herbergi). Þar skal fulltrúi mótsstjórnar taka á móti öllum leikmönnum að leik loknum og aðstoða þá við frágang skorkorta. Starfsmaðurinn skal m.a. bera skor leikmanna undir þá og tryggja að engu sé ábótavant í útfyllingu skors og undirritun skorkorta.